



UNIT 11

BAHASA KEBANGSAAN



NOTA EFEKTIF

KEDUDUKAN BAHASA KEBANGSAAN



1. Bahasa Melayu ialah bahasa kebangsaan dan bahasa rasmi negara.
2. Kedudukan bahasa Melayu sebagai bahasa rasmi termaktub dalam Akta Bahasa Kebangsaan 1963/67.
3. Kepentingan bahasa Melayu sebagai bahasa ilmu diwartakan dalam Akta Pelajaran 1961 dan Akta Pendidikan 1996.
4. Masyarakat pelbagai kaum di Malaysia boleh menggunakan bahasa lain seperti bahasa Mandarin, bahasa Tamil dan bahasa Inggeris dalam komunikasi harian mereka.
5. Setiap acara rasmi negara akan menggunakan bahasa Melayu.

“Perkara 152 -Bahasa Kebangsaan

1. *Bahasa Kebangsaan adalah Bahasa Melayu dan hendaklah ditulis dengan apa-apa tulisan sebagaimana yang diperintahkan dengan undang-undang oleh Parlimen:*

Dengan syarat bahawa-

- (a) *tiada sesiapa pun boleh dilarang atau ditahan daripada menggunakan (bagi apa-apa maksud, lain daripada maksud rasmi), atau mengajar atau belajar apa-apa bahasa lain,”*

PERANAN BAHASA KEBANGSAAN



Peranan Bahasa	Penerangan
Bahasa Pentadbiran	Bahasa kebangsaan digunakan dalam urusan rasmi seperti mesyuarat, kursus, taklimat, bengkel dan surat-menyurat
Bahasa Undang-undang	Bahasa kebangsaan digunakan dalam urusan rasmi di mahkamah
Bahasa Pendidikan	Bahasa kebangsaan merupakan bahasa pengantar dan penyampaian maklumat dalam sistem pendidikan negara kita
Bahasa Ekonomi	Bahasa kebangsaan digunakan dalam kegiatan ekonomi di negara kita
Bahasa Perhubungan	Bahasa kebangsaan merupakan bahasa komunikasi antara masyarakat berbilang kaum di negara kita dan peringkat serantau
Bahasa Persuratan	Bahasa kebangsaan digunakan dalam karya persuratan. Contohnya, pantun, syair dan novel.
Lambang Jati Diri	Bahasa kebangsaan berperanan sebagai lambang negara Malaysia di persada dunia dan perakuan jati diri rakyat Malaysia
Asas Pembinaan Negara	Masyarakat berbilang kaum memerlukan satu bahasa yang difahami oleh semua kaum sebagai panduan

INSTITUSI YANG MEMPERTAHANKAN KEDUDUKAN BAHASA KEBANGSAAN 

Institusi	Penerangan
Dewan Bahasa dan Pustaka (DBP)	<ul style="list-style-type: none"> • DBP diitubuhkan pada tahun 1956 • Fungsi DBP : <ol style="list-style-type: none"> (a) Membina dan memperkaya bahasa kebangsaan dalam semua bidang (b) Menerbitkan pelbagai bahan bacaan dalam bahasa kebangsaan (c) Membakukan ejaan, sebutan dan membentuk istilah (d) Menggalakkan penggunaan bahasa kebangsaan yang betul dalam semua urusan
Sistem Pendidikan	<ul style="list-style-type: none"> • Penyata Razak (1956) menjadikan bahasa kebangsaan sebagai bahasa pengantar di sekolah kebangsaan • Penyata Rahman Talib (1960) menjadikan bahasa kebangsaan sebagai bahasa pengantar di sekolah dan universiti • Akta Bahasa Kebangsaan 1963/67 diwujudkan
Universiti Kebangsaan Malaysia	Universiti Kebangsaan Malaysia ditubuhkan pada tahun 1970 bagi memartabatkan bahasa kebangsaan sebagai bahasa ilmu.

Usaha Memartabatkan Bahasa Kebangsaan	Keterangan
Bulan Bahasa Kebangsaan	Bulan Bahasa Kebangsaan disambut pada setiap bulan Oktober untuk menggalakkan penggunaan bahasa kebangsaan dalam kalangan masyarakat.
Dekad Bahasa Kebangsaan	Memperkasakan peranan bahasa Melayu sebagai bahasa kebangsaan dan bahasa rasmi yang mencakupi pelbagai bidang dan sektor di Malaysia.
MBMMBI	Dasar Memartabatkan Bahasa Malaysia, Memperkukuh Bahasa Inggeris (MBMMBI) diperkenalkan tahun 2012.

CABARAN PENGGUNAAN BAHASA MELAYU SEBAGAI BAHASA KEBANGSAAN 

Cabaran	Keterangan
Komunikasi harian	Bahasa Melayu sering digunakan bersama-sama dengan bahasa lain dalam komunikasi harian. Sebagai rakyat, kita perlu mengutamakan bahasa Melayu.
Sikap penutur	Sikap penutur yang malu atau tiada kesungguhan lebih menyukarkan usaha untuk memartabatkan bahasa kebangsaan. Setiap rakyat Malaysia mesti yakin dengan keupayaan dan kemampuan bahasa kebangsaan.
Bidang teknologi maklumat	Teknologi maklumat pada masa ini amat penting. Kebanyakan alat dan aplikasi teknologi maklumat menggunakan bahasa Inggeris.
Latar belakang keluarga	Ibu bapa atau keluarga perlu memberikan semangat dan tunjuk ajar kepada anak-anak dalam penggunaan bahasa kebangsaan yang betul.
Bidang pendidikan	Cabaran dalam penggunaan bahasa kebangsaan dalam kalangan murid wujud kerana mereka cenderung menggunakan bahasa ibunda atau dialek mereka semasa proses pembelajaran.
Penggunaan bahasa rojak	Penggunaan bahasa kebangsaan dalam sesuatu majlis atau media sosial banyak mencampuradukkan bahasa. Penyusunan ayat, kosa kata dan sebutan sering disalahgunakan oleh masyarakat.